

類經圖翼

圖翼卷七經穴

足太陽
手厥陰
足少陰
手少陽

EX

內閣文庫
漢 11991
冊數 40 (36)
函號 301 26

內閣文庫
番號 漢 11991
冊數 40 (36)
函號 301 26



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



類經圖翼七卷

經絡五

足太陽膀胱經穴

膀胱經穴歌

足太陽經六十三。睛明攢竹曲差參。五處承光
接通夫。絡却玉枕天柱邊。大杼風門引肺俞。厥
陰心膈肝膽居。脾胃三焦腎俞次。大腸小腸膀胱
如。中膂白環皆二行。去脊中間二寸許。上膠



張介賓類正

次膠中復下。會陽瀕向尻旁取。還有附分在三
行。二椎三寸半相當魄戶膏肓與神堂。諶諶膈
關魂門旁。陽綱意舍及胃倉。盲門志室連胞肓。
秩邊承扶殷門穴。浮郄相隣是委陽。委中再下
合陽去。承筋承山相次長。飛陽附陽達崑崙。僕
參申脉過金門。京骨束骨近通谷。小指外側尋
至陰。

睛明一名淚孔

在目內眥外一分宛宛中。○氣府論

註曰。手足太陽足陽明陰陽躄五脉之會。○刺

一分半。留六呼。灸三壯。甲乙經曰。刺六分。一日
禁灸。

主治目痛視不明。見風淚出。努肉攀睛。白翳眦
癢。痒眼。頭痛目眩。凡治雀目者。可久留鍼。然
後速出之。

席弘賦云。治眼若未效。并合谷光明。不可缺。
百證賦云。兼行間。可治雀自汗氣。
靈光賦云。治努肉。

攢竹一名始光。一名員柱。一名夜光。一名光明。在肩頭陷者中。○刺

一分。留六呼。不宜灸。甲乙經云。灸三壯。明堂用
細三稜鍼刺之。宣泄熱氣。眼目大明。宜刺三分
出血。

主治目視眩眩。淚出目眩。瞳子癢。眼中赤痛。及
腮臉腫動不臥。

玉龍賦云。兼頭維治目疼頭痛。

百證賦云。兼三間可治目中漠漠。

通玄賦云。腦昏目赤寫此。

曲差

一名鼻衛

在神庭旁一寸五分。入髮際。正頭取。

之。○刺二分。灸三壯。五壯。

主治目不明。頭痛。鼻塞。歔。鼻涕。頂顛痛。身心
煩熱。汗不出。

五處。在曲差後五分。夾上星旁一寸五分。○刺
三分。留七呼。灸三壯。甲乙經曰不可灸。

主治脊強反折。瘰癧。顛疾。頭痛。戴眼。眩暈。目視
不明。

承光。在五處後一寸五分。水熱穴論註曰五處
後一寸。甲乙經五處後二寸。○刺三分。禁灸。

主治頭風眩嘔吐。心煩鼻塞不利。目翳口喎。

通天一名天白在承光後一寸五分。一日橫直百會

旁一寸五分。○刺三分留七呼。灸三壯。

主治頭旋項痛不能轉側。鼻塞偏風口喎衄血。

頭重耳鳴。狂走瘵癡恍惚。青盲內障。

千金云。瘦氣面腫灸五十壯。

百證賦云。能去鼻內無聞之苦。

絡却一名強陽一名腦蓋在通天後一寸五分。甲乙經一

寸三分。○刺三分留五呼。灸三壯。一日禁刺。

主治頭旋口喎。鼻塞項腫。瘵瘤內障耳鳴。

玉枕在絡却後一寸五分。甲乙經曰。在絡却後

七分。夾腦戶旁一寸三分。起肉枕骨上。入後髮

際三寸。按甲乙經之數與上督脉之數不相合。○刺三分留三呼。灸

三壯。一日禁刺。

主治目痛如脫。不能遠視。腦風頭項痛。鼻塞無

聞。

千金云。多汗寒熱灸五十壯。刺三分。

百證賦。連顙會療頭風。

天柱 俠項後大筋外廉髮際陷中。○刺二分留

六呼灸三壯。一曰刺五分禁灸。

主治頭旋腦痛鼻塞淚出項強肩背痛足不在

身目瞑不欲視。

百證賦云連養老治目中眈眈。○又云連束骨

治項強多惡風。

大杼 在項後第一椎下兩旁相去脊中各二寸

陷中。正坐取之。○海論曰衝脉者其輸上在於

大杼。○氣穴論註曰督脉別絡手足太陽三脉

之會。○刺三分留七呼灸五壯七壯。一曰禁灸

非有太急不可灸也

主治傷寒汗不出腰脊項背強痛不得臥喉痺

煩滿痲瘧頭痛欬嗽身熱目眩癩疾筋攣瘰

癧膝痛不可屈伸。○凡刺瘧疾脉滿大者刺

此并諛諛穴出血隨人肥瘦刺之不已刺委

中風門立已。

席弘賦云大杼若連長強尋小腸氣痛即行鍼

風門 一名熱府

在二椎下兩旁各去脊中二寸正坐

足太陽

五

取之。○督脉足太陽之會。○熱府，膂也。○刺五分，留七呼。灸五壯。

主治傷寒頭痛項強，目眩，嘔噎，胸中熱，嘔逆，上氣喘，臥不安，身熱，黃疸，癰疽，發背，此穴能寫一身熱氣，常灸之，永無癰疽瘡疥等患。

神農經云：傷風欬嗽，頭痛，鼻流清涕，可灸十四壯，及治頭疼，風眩，鼻衄不止。

千金云：上氣短氣，欬逆，胃背徹痛，灸百壯。

肺俞 在三椎下，去脊中各二寸，又以手搭背，左取右，右取左，當中指末處是穴。正坐取之。千金曰：肺俞對乳，引繩度之。○刺三分，留七呼。灸三壯。一云灸百壯。○素問曰：刺中肺，三日死。

主治五勞傳尸，骨蒸，肺風，肺痿，欬嗽，嘔吐，上氣喘滿，虛煩，口乾，目眩，支滿，汗不出，腰脊強痛，背僂如龜，寒熱，瘦氣，黃疸。○此穴主寫五藏之熱，與五藏俞治同。

神農經曰：治欬嗽吐血，唾紅，骨蒸，虛勞，可灸十四壯。

千金云治吐血唾血上氣欬逆喉痺灸隨年壯

○又氣短不語灸百壯○又治水注口中漏

水出灸肺俞及三陰交隨年壯○又癭腫上

氣短氣灸百壯○又盜汗寒熱惡寒灸隨年

壯刺五分

玉龍賦云兼豐隆治痰嗽

百證賦云兼天突治欬嗽連聲

乾坤生意云同陶道身柱膏肓治虛損五勞七

傷緊要法

厥陰俞 在四椎下去脊中二寸正坐取之此穴出山

眺經甲乙經無○刺三分灸七壯

主治欬逆牙痛心痛結胃嘔吐煩悶

千金云主胃中膈氣積聚好吐灸隨年壯

心俞 在五椎下去脊中二寸正坐取之○刺三

分留七呼○按甲乙經曰禁灸故世醫皆謂可

鍼不可灸殊不知刺中心一日死乃素問之所

戒又豈可易鍼耶千金方言風中心急灸心俞

百壯服續命湯又吐逆不得食者灸百壯是又

當權其緩急也。

主治偏風半身不隨食噎積結寒熱心氣悶亂。煩滿恍惚心驚汗不出中風偃臥不得冒絕發癩悲泣嘔吐欬血發狂健忘。○此穴主寫五藏之熱與五藏俞同。

神農經云小兒氣不足者數歲不能語可灸五壯艾炷如麥粒。

玉龍賦云兼腎俞治腰腎虛乏之夢遺。百證賦云兼神道治風癩常發自寧。

捷徑云治憂噎。

一傳主療心虛遺精盜汗補之。

膈俞 在七椎下去脊中二寸正坐取之。○為血之會。○刺三分留七呼灸三壯。一云灸至百壯。

主治心痛周痺膈胃寒痰暴痛心滿氣急吐食反胃。疹癬五積氣塊血塊欬逆四支腫痛怠惰嗜臥骨蒸喉痺熱病汗不出食不下腹脇脹滿。○此血會也。諸血病者皆宜灸之。如吐血衄血不已虛損昏暈血熱妄行心肺二經。

嘔血藏毒便血不止

千金云臆脹脇腹滿灸百壯三報之○又治吐

逆不得食今日食明日吐灸百壯

肝俞在九椎下去脊中二寸正坐取之○刺三

分留六呼灸三壯○素問曰刺中肝五日死

主治氣短欬血多怒脇肋滿悶欬引兩脇脊背

急痛不得息轉側難反折上視驚狂顛衄眩

暈痛循肩頭黃疸鼻痠熱病後目中出淚眼

目諸疾熱痛生翳或熱病瘥後因食五辛患

目嘔血或疝氣筋痠相引轉筋入腹○此穴

主寫五藏之熱與五藏俞治同

千金云吐血酸削灸百壯○又胃滿心腹積聚

疼痛灸百壯○又氣短不語灸百壯

玉龍賦云目昏血溢肝俞辨其虛實

標幽賦云兼命門能使瞽者見秋毫

百證賦云兼少澤可治攀睛

一傳治氣痛項癭吐酸

膽俞在十椎下去脊中二寸正坐取之○刺五

分留七呼。灸三壯。○素問曰。刺中膽。一日半死。

主治頭痛振寒汗不出。腋下腫。心腹脹滿。口乾。

苦咽痛。嘔吐翻胃。食不下。骨蒸勞熱。目黃。骨

脇痛不能轉側。

百證賦云。兼陽綱可治目黃。

捷徑云。兼膈俞治勞噎。

脾俞。在十一椎下。去脊中各二寸。正坐取之。○

刺三分。留七呼。灸三壯。○素問云。刺中脾。十日

死。

主治疰癘積聚。肋下滿。疹瘡寒熱黃疸。腹脹痛。

吐食不食。飲食不化。或飲食倍多。煩熱嗜臥。

身日羸瘦。泄痢善欠。體重四支不收。○此穴

主寫五藏之熱。與五藏俞同。

千金云。食不消化。洩痢不作。肌膚脹滿水腫。灸

隨年壯。三報之。○又虛勞尿血白濁。灸百壯。

百證賦云。兼聽官能祛心下之悲悽。○又兼勝

胱俞治脾虛穀食不消。

捷徑云。治思噎食噎。

一傳治水腫鼓脹氣滿泄瀉年久不止及久年積塊脹痛。

胃俞 在十二椎下。去脊中二寸。正坐取之。○刺

三分。留七呼。灸三壯。一日灸隨年壯。

主治胃寒吐逆。翻胃霍亂。腹脹支滿。肌膚疲瘦。

腸鳴。腹痛不嗜食。脊痛筋癢。小兒羸瘦食少。

不生肌肉。及小兒痢下赤白。秋末脫肛。肚疼

不可忍。艾炷如大麥。

百證賦云。兼魂門治胃冷食不化。

一傳治水腫鼓脹。氣膈不食。泄瀉年久不止。多年積塊。

三焦俞 在十三椎下。去脊中二寸。正坐取之。○

刺五分。灸三壯。一日三分五壯。

主治傷寒身熱頭痛。吐逆。肩背急。腰脊強。不得

俛仰。藏府積聚。脹滿膈塞。不通。飲食不化。羸

瘦。水穀不分。腹痛下痢。腸鳴。目眩。

千金云。少腹堅大如盤。孟胃腹脹滿。飲食不消。

婦人癥聚瘦瘠。灸三焦俞百壯。三報之。仍灸

氣海百壯。○又云主五藏六府積聚。心腹滿。腰脊痛。吐逆寒熱。小便不利。灸隨年壯。○又治尿血灸百壯。

腎俞 在十四椎下。與臍平。去脊中二寸。正坐取

之。素問血氣形志篇有五十一○刺三分。留七呼。灸

三壯。一日灸以年為壯。○素問曰。刺中腎六日

死。

主治虛勞羸瘦。面目黃黑。耳聾。腎虛水藏久冷。腰痛。夢遺精滑。脚膝拘急。身熱。頭重。振寒。心

腹臌脹。兩脇滿痛。引少腹。少氣。溺血。便濁。淫。赤白帶下。月經不調。陰中痛。五勞七傷。虛。憊無力。足寒如冰。洞洩。食不化。身腫如水。男。女久積氣痛。變成勞疾。○此穴主寫五藏之熱。與五藏俞同。

千金云。腎間風虛灸百壯。○又小便濁。夢遺失。精。灸百壯。○又云。腎俞主五藏虛勞。少腹弦。急。脹熱。灸五十壯。老少減之。若虛冷。可百壯。橫三間。寸灸之。○又消渴口乾。同腰自灸之。

○又尿血灸百壯。○又百病水腫灸百壯。

玉龍賦云兼命門治老人便多。○又兼心俞治

腰腎虛乏之夢遺。

百證賦云兼巨膠穴能除胃膈停留瘀血。

通玄賦云能寫盡腰股之痛。

一傳治色慾過度虛腫耳痛耳鳴。

大腸俞在十六椎下去脊中二寸伏而取之。○

刺三分留六呼灸三壯。

主治脊強不得俛仰腰痛腹脹繞臍切痛腸澼

瀉痢食不化大小便不利。

千金云脹滿雷鳴灸百壯三報之。

靈光賦云治大便病。

小腸俞在十八椎下去脊中二寸伏而取之。○

刺三分留六呼灸三壯。

主治膀胱三焦津液少便赤不利淋瀝遺尿小

腹脹滿疝痛瀉痢膿血脚腫心煩短氣五痔

疼痛婦人帶下。

千金云洩注五痢便膿血腹痛灸百壯。○又主

三焦膀胱寒熱津液赤白洞泄腰脊痛小便不利婦人帶濁灸五十壯○又消渴口乾不可忍者灸百壯橫三間寸灸之。

靈光賦云治小便病。

膀胱俞在十九椎下去脊中二寸伏而取之○

刺三分留六呼灸三壯一云七壯。

主治小便赤澀遺尿洩痢腰脊腹痛陰瘡脚膝寒冷無力女子癥瘕。

百證賦云兼脾俞治脾虛穀食不消。

中膂內俞一名脊內俞在二十椎下去脊中二寸夾

脊腫起肉間伏而取之○刺三分留六呼灸三壯。

主治腎虛消渴腰脊強痛不得俛仰腸冷赤白

痢疝痛汗不出脇腹脹痛。

百證賦云兼陶道治歲熱時行。

捷徑云主腰痛夾脊脊上下按之從後項至此

穴痛者灸之立愈。

白環俞在二十一椎下去脊中二寸伏而取之。

○刺五分。灸三壯。甲乙經云。刺八分。得氣則寫。寫訖多補之。不可灸。

主治腰脊痛。不得坐臥。痲痛。手足不仁。二便不

利。溫瘧。筋攣痺縮。虛熱閉塞。○一云。主治夢

遺白濁。腎虛腰痛。先寫後補。赤帶寫之。白帶

補之。月經不調亦補之。

百證賦云。兼委中。治背連腰痛大驗。

上膠 在腰髀骨下一寸。夾脊兩旁第一空陷中。

○繆刺論註曰。腰下夾尻有空骨各四。蓋卽此

四膠穴也。刺腰痛論註曰。上膠當髀骨下陷中。

餘三膠少斜下按之陷中是也。腰髀骨卽十一、十二、

起脊之夾脊者。○足太陽少陽之絡。○刺三分。留七呼。

灸七壯。

主治大小便不利。嘔逆。腰膝冷痛。寒熱瘧。鼻衄。

婦人絕嗣。陰中癢痛。陰挺出。赤白帶下。

次膠 夾脊旁第二空陷中。○刺三分。留七呼。灸

七壯。一曰三壯。

主治大小便淋赤不利。心下堅脹。腰痛足清。痲

主氣下墜。引陰痛不可忍。腸鳴泄瀉。赤白帶下。中膠。夾脊旁。二空陷中。○刺二分。留十呼。灸三壯。

主治五勞七傷。二便不利。腹脹飧泄。婦人少子。帶下。月經不調。

下膠。夾脊旁。四空陷中。○刺腰痛篇。及繆刺論。王註。皆曰足厥陰支別者。與大陰少陽結於腰。髀下。俠脊。第三第四骨空。中其穴。即中膠下膠也。○刺二分。留十呼。灸三壯。一日刺二十五。

主治腸鳴泄瀉。二便不利。下血腰痛。引小腹急痛。女子淋瀝不禁。

百證賦云。濕熱濕寒下膠定。

會陽一名利機。在陰尾尻骨兩旁。○甲乙經曰督脈

氣所發。○刺二分。灸五壯。一日刺八分。

主治腹中寒氣泄瀉。腸澀便血。久痔。陽氣虛乏。陰汗濕。

附分。在二椎下。附項內廉兩旁。相去脊中各三寸半。正坐取之。○手足太陽之會。○刺二分。灸

五壯。甲乙經作刺八分。

主治肘臂不仁。肩背拘急。風客腠理。頸痛不得

回顧。

魄戶 在三椎下。去脊中各三寸半。正坐取之。

刺五分。灸五壯。一曰。刺三分。灸百壯。

主治虛勞肺痿。肩膊胷背連痛。三戶走注。項強

喘逆。煩滿嘔吐。○此穴主寫五藏之熱與五

藏俞同。

神農經云。治虛勞發熱。可灸十四壯。

百證賦云。兼膏肓。治勞瘵傳尸。

標幽賦云。治體熱勞嗽。

膏肓俞 在四椎下五椎上。去脊中各三寸半。正

坐曲脊取之。○千金翼云。先令病人正坐。曲脊

伸兩手。以臂著膝前。令正直。手大指與膝頭齊。

以物支肘。勿令臂動。乃從胛骨上角。摸索至胛

骨下頭。其間當有四肋。三間依胛骨之際。相去

骨際。如容側指許。按其中一間空處。自覺牽引

肩中。是其穴也。左右各灸至百壯。或三五百多。

至千壯。當氣下龍龍然如流水之降。若停痰宿疾亦必下也。若病人已困不能正坐。當令側臥。挽上臂令前。索孔穴灸之。○又法。但以右手搭左肩。上中指稍所不及處是其穴也。左手亦然。乃以前法灸之。其有不能久坐伸臂者。亦可伏衣襟上。伸兩臂。令人挽兩胛骨。使相離遠。不爾胛骨覆穴。不得其真也。所伏衣襟。當令大小得宜。不爾則前却亦失其穴也。此穴灸後。令人陽氣日盛。當消息自為補養。令得平復。則諸病無

所不治。○又法。如其人骨節分明。則以椎數為準。若脊背肥厚。骨節難尋。須以大椎至尾骶量分三尺。折取之。不然則以平臍十四椎。命門為則。逐椎分寸取之。則穴無不真。然取大椎之法。除項骨三節不在內。或人亦有項骨短而無可尋者。但當以平肩之處為第一椎。以次求之。可無差也。○捷徑云。灸膏肓功效。諸書例能言之。而取穴則未也。千金等方之外。莊綽論之最詳。然繁而無統。不能歸定於一。余嘗以意取之。令

病人兩手交在兩膊上灸時亦然脚骨遂開其
穴立見以手指摸索第四椎下兩旁各三寸四
肋三間之中按之痠疼是穴灸至千壯少亦七
七壯當依千金立點立灸坐點坐灸臥點臥灸
爲的劉瑾云取膏肓一穴當除第一椎小骨不
箕若連第一椎數下當在五椎下兩旁各三寸
半共折七寸分兩旁按其痠疼處乃是真穴每
依此灸療多獲全愈○灸七七壯至百壯千壯
一云灸後當灸足三里以引火實下○此穴自

晉以前所未有乃後人之所增也

主治百病無所不療虛羸瘦損五勞七傷諸病

夢遺失精上氣欬逆痰火發狂健忘胎前產

後可灸二七至七七壯

百證賦云兼魄戶治勞瘵傳戶

靈光賦云治背脊痛風勞一切諸病

乾坤生意云兼陶道身柱肺俞治虛損五勞七

傷緊要之穴

神堂 在五椎下去脊中各三寸半陷中正坐取

之。○刺三分。灸五壯。○此穴主寫五藏之熱與諸藏俞同。

主治腰脊強痛不可俛仰。洒淅寒熱。胃腹滿逆時噎。

諛諛 在肩膊內廉六椎下。去脊中各三寸半。正

坐取之。○甲乙經曰。以手痛按之。病者呼諛諛

是穴。蓋因其痛也。○刺六分。留七呼。灸五壯。

曰二七壯至百壯。

主治大風熱病汗不出。勞損不得臥。溫瘧久不

愈。胃腹脹悶。氣噎。肩背脇肋痛急。目痛欬逆

鼻衄。忌葷菜白酒。

千金云。多汗瘡病。灸五十壯。

膈關 在七椎下。去脊中各三寸半。陷中。正坐開

肩取之。○刺五分。灸五壯。

主治背痛。惡寒脊強。嘔吐飲食不下。胃中噎悶。

大小便不利。○此亦血會。治諸血病。

魂門 在九椎下。相去脊中各三寸半。陷中。正坐

取之。○刺五分。灸三壯。

主治尸厥走注。胃背連心痛。食不下。腹中雷鳴。大便不節。小便黃赤。○此穴主寫五藏之熱。與五藏俞同。

百證賦云。兼胃俞。治胃冷食難化。標幽賦云。筋攣骨痛者。補此。

陽綱 在十椎下。去脊中三寸半陷中。正坐取之。○刺五分。灸三壯七壯。

主治腸鳴。腹痛。食不下。小便濇。身熱。消渴。目黃。腹脹泄痢。

百證賦云。兼膽俞。治目黃。

意舍 在十一椎下。去脊中三寸半陷中。正坐取

之。○刺五分。灸七壯。一云五十壯。至百壯。

主治背痛。腹脹。大便泄。小便黃。嘔吐。惡風寒。飲

食不下。消渴。目黃。○此穴主寫五藏之熱。與

五藏俞同。

百證賦云。兼中府。能除脹滿。噎塞。胃背脇痛。惡

寒嘔吐。

胃倉 在十二椎下。去脊中各三寸半。正坐取之。

○刺五分。灸五壯。一云五十壯。

主治腹滿水腫食不下。惡寒背脊痛不可俛仰。

育門 在十三椎下。去脊中各三寸半。又肋間陷

中。前與鳩尾相直。正坐取之。○刺五分。灸三壯。

氣府論註云三十壯。

主治心下痛大便堅。婦人乳痛有餘。

志室 在十四椎下。去脊中各三寸半。陷中。正坐

取之。○刺五分。灸三壯七壯。

主治陰腫陰痛失精小便淋瀝背脊強腰脇痛。

主腹中堅滿霍亂吐逆不食大便難。○此穴主

寫五藏之熱與五藏俞同。

胞育 在十九椎下。去脊中各三寸半。陷中。伏而

取之。○刺五分。灸五壯七壯。

主治腰脊痛惡寒小腹堅腸鳴大小便不利。

秩邊 在二十一椎下。去脊中各三寸半。陷中。伏

而取之。○刺五分。灸三壯。

主治腰痛五痔小便赤澁。

承扶 一名肉郄。一名陰關。一名皮部。在尻臀下。股陰上約文中。

○刺七分留七呼灸三壯甲乙經作刺二寸
主治腰脊相引如解久痔臀腫大便難胞寒小便不利

殷門 在承扶下六寸腓上兩筋之間○刺七分留七呼灸三壯

主治腰脊不可俛仰惡血流注外股腫

浮郤 在委陽上一寸屈膝得之○刺五分灸三壯

主治霍亂轉筋小腹膀胱熱大腸結股外筋急

髀樞不仁

委陽 在承扶下六寸屈伸取之○邪氣藏府病形篇曰三焦合入於委陽甲乙經曰委陽三焦下輔腧也在足太陽之前少陽之後出於腓中外廉兩筋間此足太陽別絡也○刺七分留五呼灸三壯

主治腰脊腋卞腫痛不可俛仰引陰中不得小便
便胃滿身熱瘰癧顛疾小腹滿飛尸遁注痿厥不仁

本輸篇曰。三焦下輸。出於委陽。並太陽之正。入絡膀胱。約下焦實則閉。瘡虛則遺溺。遺溺則補之。閉瘡則寫之。

百證賦云。兼天池穴。腋腫鍼而速散。

委中一名血郤在膕中央。約文動脈陷中。伏臥屈足。

取之。○足太陽所入為合。○刺五分。留七呼。灸

三壯。一云禁灸。○春月勿令出血。蓋太陽合腎

腎王於冬。水衰於春。故春無令出血。主

治大風眉髮脫落。太陽瘡從背起。先寒後熱。

痛熇然汗出難已。頭重轉筋。腰脊背痛。半身

不遂遺溺。小腹堅。風痺髀樞痛。膝痛足軟。無

力。凡腎與膀胱實而腰痛者。刺出血。妙。虛者

不宜刺。慎之。○此穴主寫四支之熱。委中者

血郤也。凡熱病汗不出。小便難。衄血不止。脊

強。反折。痠癢癩疾。足熱厥逆。不得屈伸。取其

經血立愈。

太乙歌云。虛汗盜汗補委中。

玉龍賦云。合人中。除腰脊痛閃之難制。○又云。

兼居膠環跳除腿風濕痛。

百證賦云兼白環俞治背連腰痛已試。

千金十一穴云委中崑崙治腰背痛相連。

四總穴云腰背委中求。

馬丹陽天星十二穴云治腰痛不能舉沉引脊。

梁瘦風癩及轉筋疼痛難移展風痺復無常。

熱病不能當膝頭難伸屈鍼入即安康。

合陽 在膝膕約文下二寸。刺六分灸五壯。

主治腰脊強引腹痛陰股熱肝瘦腫寒疝偏墜。

女子崩帶不止。

百證賦云兼交信治女子少氣下血。

承筋 一名膈腸。在膈腸中央陷中。脚跟上七寸。

○灸三壯。禁刺。

主治寒痺腰背拘急腋腫大便閉五痔膈痠脚

跟痛引少腹轉筋霍亂歛。

千金云霍亂轉筋灸五十壯。

承山 一名肉柱。在兌膈腸下分肉間陷中。一云

一名魚腹。腿肚下尖分肉間。刺七分灸五壯至七七壯。

然灸不及鍼。

主治頭熱鼻衄。寒熱癩疾。疝氣腹痛。痔腫便血。

腰背痛。膝腫脛痠。跟痛。霍亂轉筋。戰慄不能

行立。凡有邪熱者可寫之。

千金云。灸轉筋。隨年壯。神驗。霍亂灸百壯。

玉龍賦云。兼長強。灸痔最妙。

席弘賦云。陰陵泉治心胃滿。兼此穴而飲食自

思。○又云。兼魚際崑崙治轉筋。目眩立消。

靈光賦云。治轉筋并久痔。

百證賦云。刺長強兼承山。善主腸風新下血。

天星秘訣云。兼內踝尖。治轉筋并眼花。○又云。

兼陰交。治胃膈痞滿。自喜飲食。

馬丹陽云。善治腰疼痛。痔疾。大便難。脚氣并膝

腫。兩足盡寒。痲展轉成。時疫戰慄。瘡憎寒。霍

亂及轉筋。刺之立便安。

今時多用此穴。治傷寒。立效。亦有初發瘧疾者。

灸之立已。

飛陽

一名厥陽

在足外踝上七寸。後陷中。○足太陽

絡別走少陰。○刺三分。灸三壯。

主治痔痛，不得起坐，脚痠腫，不能立，歷節風，不

得屈伸，癩疾，寒瘡，頭目眩，逆氣。

千金云：瘡實則腰背痛，虛則鼻衄。飛陽主之。

百證賦云：兼支正，可治目眩。

附陽 在足外踝上三寸，太陽前，少陽後，筋骨之

間。○陽蹻之却。○刺五分，留七呼，灸三壯。一云

七壯。

主治霍亂轉筋，腰痛，不能立，髀樞股脰痛，痿厥

風痺不仁，頭重顛痛，時有寒熱，四支不舉，屈伸不能。

崑崙 在足外踝後五分，跟骨上陷中，細動脈應

手。○足太陽所行，為經。○刺三分，留七呼，灸三

壯。

主治腰尻脚氣，足脰腫痛，不能步立，頭痛，鼻衄，

肩背拘急，欬喘，目眩，陰腫痛，產難，胞衣不下。

小兒發癩瘰癧。

玉龍賦云：兼申脈，太谿善療足腫之逆。

靈光賦云能住喘愈脚氣

神農經云治腰尻痛足痛不能履地肩背拘急

可灸七壯○又治小兒陰腫可灸三壯炷如

小麥

席弘賦云兼魚際承山治轉筋目眩立消

千金云胞表不出鍼足太陽入四分穴在外踝

下後一寸宛宛中者意必此穴○又云瘡多

汗腰痛不能俛仰目如脫項似拔崑崙主之

千金十一穴云兼委中治腰背痛相連

捷徑云治偏風

馬丹陽天星十二穴云治轉筋腰尻痛膊重更

連陰頭疼脊背急暴喘滿衝心舉步行不得

動足即呻吟若欲求安樂須尋此穴鍼○增

治法云治目眩眩如脫頭熱鼻衄肚脹痛不

得息霍亂大便泄風癩口噤不開小兒陰腫

頭眩轉筋吐逆尸厥中惡膝蓋暴痛

僕參一名安邪

在跟骨下陷中拱足得之○足太陽

陽蹻之會○刺三分留七呼灸七壯

主治腰痛足痿不收足跟痛霍亂轉筋吐逆尸厥癲癘狂言見鬼膝痛

靈光賦云後跟痛在牒參求

申脉 在足外踝下五分陷中容爪申許白肉際

○陽蹻脉所生○刺三分留七呼灸三壯

主治風眩癲疾腰脚痛膝胫寒痠不能坐立如

在舟車中氣逆腿足不能屈伸婦人氣血痛

一云脚氣紅腫寫之若麻木無力先寫後補

神農經曰治腰痛可灸五壯

玉龍賦云兼太谿崑崙善療足腫之逆

標幽賦云兼金門治頭風頭痛

攔江賦云能除寒與熱偏正頭風及心驚耳鳴

鼻衄胷中滿遇麻木者虛當補逢疼痛者寫

而迎

靈光賦云陽蹻陰蹻及陽陵陰陵四穴治脚氣

取之又兼三里同治脚氣亦去在腰諸疾

千金方十三鬼穴云此名鬼路當在第五次下

火鍼治百邪癲狂

捷法云。治腰背強不可俛仰。支節煩痛。牽引腰脚。中風不省人事。中風不語。中風半身癱瘓。偏枯疼痛無時。中風四支麻木不仁。手足搔癢。不能握物。中風口眼喎斜。牽連不已。角弓反張。眼目盲視。口噤不開。語言蹇澀。腰脊肩背疼痛。頭項強痛。不得回顧。腰痛起止艱難。手足背生毒。臂背生毒。○已上凡二十餘證。先以申脉主治。後隨證加各穴分治之。

金門

一名關梁

在足外踝下一寸。○足太陽郄。陽維

別屬也。○刺一分。灸三壯。一云刺三分。灸七壯。炷如小麥。

主治霍亂轉筋。尸厥。癰疽疔氣。膝胫痠不能立。小兒張口。搖頭身反。

百證賦云。兼丘墟。可醫轉筋。通玄賦云。兼申脉。治頭風頭痛。

京骨 在足小指外側本節後大骨下。赤白肉際陷中。可按而得。○足太陽所過為原。○刺三分。留七呼。灸七壯。

主治腰脊痛如折。髀不可曲。項強不能回顧。筋
學善驚。痰瘧寒熱。目眩。內背赤爛。頭痛。欬衄。
癩病狂走。

束骨 在足小指外側本節後陷中。赤白肉際。○
足大陽所注為腓。○刺三分。留三呼。灸三壯。

主治腸辟泄瀉。瘡痔癩癩。發背癰疔。頭痛目眩。
內背赤痛。耳聾腰膝痛。項強不可回顧。

太乙歌云。兼三里刺治項強腫痛。體重腰癱。
百證賦云。連天柱治項強多惡風。

秦承祖云。治風熱胎赤。兩目皆爛。

通谷 在足小指外側本節前陷中。○足太陽所
溜為榮。○刺二分。留五呼。灸三壯。

主治頭痛目眩。項痛。欬衄。善驚。目眈眈。結積留
飲食多不化。失欠。

千金云。諸結積留飲。滯囊胃滿。飲食不消。灸通
谷五十壯。

至陰 在足小指外側去爪甲角如韭葉。○足太
陽所出為井。○刺一分。留五呼。灸三壯。五壯。

主治風寒頭重鼻寒目痛生翳胃脇痛轉筋寒瘡汗不出煩心足下熱小便不利失精脉痺從足小指起牽引上下

百證賦云兼屋翳治遍身癢痛之疾。席弘賦云專治脚膝腫

今時習用此治婦人寒證

張仲文治婦人橫產手先出諸符藥不效為灸

右脚小指尖三壯炷如小麥下火立產

足少陰腎經穴

腎經穴歌

足少陰俞二十七湧泉然谷照海出太谿水泉

連大鍾復溜交信築賓立陰谷橫骨趨大赫氣

穴四滿中注得盲俞商曲石關躡陰都通谷幽

門值步廊神封出靈墟神藏或中俞府畢

湧泉一名地衝

在足心陷中屈足卷指宛宛中○足

少陰所出為井○刺三分留三呼灸三壯

主治尸厥面黑喘欬有血目視眈眈無所見善

主恐。心中結熱。風疹風癩。心痛不嗜食。男子如
 蠱。女子如妊。欬嗽氣短。身熱喉痺。目眩頭痛。
 胃腸滿。小腹痛。腸澼泄瀉。霍亂轉胞。不得尿。
 腰痛大便難。轉筋。足脛寒痛。腎積奔豚。熱厥
 五指盡痛。足不踐地。
 史記漢北齊王阿母患足下熱喘滿。淳於意曰
 熱厥也。刺足心立愈。
 千金云。陰中懊懣痛。刺入三分。○又鼻衄不止。
 灸二百壯。○又霍亂轉筋。灸三七壯。不止灸

足踵聚筋。上白肉際。七壯立愈。

玉龍賦云。兼關光豐隆。治尸勞。

席弘賦云。鳩尾能治五般癩。若下湧泉。人不死。

○又云。小腸氣結。連臍痛。速寫陰交。良久鍼湧泉。取氣甚妙。

百證賦云。專治厥寒厥熱。○又云。兼行間。治消

渴腎竭。

通玄賦云。治胃結身黃。寫此。

靈光賦云。治婦人疾并男蠱。女孕而病。痊者千

金勿妄傳

天星秘訣云兼陰陵治小腸連臍痛

然谷一名龍淵在足內踝前起大骨下陷者中

○足少陰所溜為榮○刺三分留三呼灸三壯

一曰刺不宜見血

主治喘呼煩滿欬血喉痺消渴舌縱心恐少氣

涎出小腹脹痿厥寒疝足跗腫胛痠足一寒

一熱不能久立男子遺精婦人陰挺出月經

不調不孕初生小兒臍風撮口痿厥洞泄此

然谷主寫腎藏之熱若治傷寒亦宜出血

千金云石水灸然谷氣衝四滿章門

百證賦云此穴易醒臍風

照海在足內踝下一寸陷中容爪申一云在內

踝下四分微前高骨陷中前後有筋上有踝骨

下有軟骨其穴居中神農經云在內踝直下白

肉際是穴○陰躄所生○刺四分留六呼灸三

壯一曰刺三分灸七壯

主治咽乾嘔吐四支懈惰嗜臥善悲不樂大風

偏枯半身不遂。火瘡卒疝。腹中氣痛。小腹淋痛。陰挺出。月水不調。

玉龍賦云。兼支溝能通大便之秘。○又云。合內

關能醫腹疾之塊。

神農經云。治月事不行。可灸七壯。○又云。兼公

孫治傷寒四日太陰經。再用內關施截法。

攔江賦云。治噤口喉風。用三稜鍼出血。即安。

百證賦云。兼大敦治傷寒。

席弘賦云。兼百會大衝陰交。治咽喉疾。○又云。

兼陰交出泉關元氣海同寫。治七疝如神。

靈光賦云。二躋二陵。脚氣者。取此四穴。又兼三

里同治脚氣。并在腰之疾。

標幽賦云。兼陽維內關能下胎表。○又云。治喉

中之閉塞。

捷法云。治小便頻數淋瀝不通。小腹冷痛。膀胱

七疝。奔豚偏墜。木腎腫大如升。發時疼痛。衝

心。小便淋血。陰痛遺精白濁。夜夢鬼交。不禁。婦人難產。子拘。母心不下。女子大便不通。產

後腹痛惡露不已。婦人脾病。血蠱水蠱氣蠱。石蠱單蠱。女人血氣虛倦。五心煩熱。支體盡痛。頭自昏沉。老人虛損。手足轉筋不能舉動。霍亂吐瀉。寒濕脚氣發熱大痛。腎虛脚氣紅腫。乾脚氣膝頭內踝五指疼痛。渾身脹滿。水蠱喘脹。四支面目浮腫。婦人瘦損。赤白帶下。子宮久冷不受胎孕。經水正行頭眩小腹空痛。月水不調。臍腹疼痛。及淋瀝不斷等證。已上諸證。先以照海為主。後隨證加穴分治。

太谿

一名呂細

在足內踝後五分。跟骨上動脈陷中。

○足少陰所注為脛。即原也。○刺三分。留七呼。灸三壯。

主治熱病汗不出。傷寒手足逆冷。嗜臥欬咽。腫衄血唾血。溺赤消痺。大便難。久瘡欬逆。煩心不眠。脉沉手足寒。嘔吐不嗜食。善噫。腹疼。瘠瘦。寒疝。痿痺。

神農經云。治牙疼可灸七壯。

一云。牙疼紅腫者。寫之。陰股內濕癢。生瘡便毒。

一先補後寫。○一云腎瘧嘔吐多寒。閉戶而處。其病難已。太谿大鍾主之。腰脊痛。大便難。手足寒。并刺委中大鍾。

玉龍賦云。合崑崙申脉。善療足腫之逆。百證賦云。兼商陽治寒瘧有驗。

水泉。在足內踝下太谿下一寸。○足少陰郄。○刺四分。灸五壯。

主治目眈眈不能遠視。女子月事不來。來即多。心下悶痛。小腹痛。小便淋。陰挺出。

百證賦云。兼天樞治月潮違限。

大鍾。在足跟後衝中。大骨上兩筋間。水熱穴論。

註曰。在足內踝後衝中。○足少陰絡別走太陽。

○刺二分。留三呼。灸三壯。

主治氣逆煩悶。實則小便淋閉。洒洒腰脊強痛。

大便秘澀嗜臥。口中熱。虛則嘔逆多寒。欲閉。

戶而處。少氣不足。胃脹喘息舌乾。食噎不得。

下善驚恐不樂。喉中鳴。欬唾血。

百證賦云。兼通里治倦言嗜臥。

標幽賦云。治心性之呆癡。

復溜一名伏白。一名昌陽。

在足內踝後上除踝二寸陷者

中。前傍骨是復溜。後傍筋是交信。二穴止隔一

筋。○足少陰所行為經。○刺三分。留三呼。灸五

壯七壯。

主治腸澼痔疾。腰脊內引痛。不得俛仰。善怒多

言。舌乾涎出。足痿筋寒。不得履。目視眈眈。腸

鳴。腹痛。四支腫。十種水病。五淋盜汗。齒齲。脉

微細。

神農經云。治盜汗不收。及面色痿黃。可灸七壯。

千金云。血淋灸五十壯。

太乙歌云。刺治腰脊閃挫疼痛。遊風徧體。

玉龍賦云。傷寒無汗宜寫。○又云。起六脉之沉

匿。

攔江賦云。傷寒無汗。先補合谷。次寫此穴。

席弘賦云。此穴專治氣滯在腰。

靈光賦云。治腫如神。

交信 在足內踝上二寸。少陰前。太陰後。筋骨間。

○陰躄之郄。○刺四分。留五呼。灸三壯。

主治五淋癩疝。陰急股膻內廉引痛。瀉痢赤白。

大小便難。女子漏血不止。陰挺月事不調。小

腹痛。盜汗。

百證賦云。兼合陽治女子少氣漏血。

築賓。在足內踝後上膻分中。○陰維之郄。○刺

三分。灸五壯。

主治小兒胎疝。癩疾吐舌。發狂罵詈。腹痛嘔吐

涎沫。足膻痛。

陰谷。在膝下內輔骨後。太筋下小筋上。按之應

手。屈膝乃得之。○足少陰所入為合。○刺四分。

留七呼。灸三壯。

主治舌縱涎下。腹脹煩滿。溺難。小腹疝急引陰

陰股內廉痛為痿。為痺。膝痛不可屈伸。女人

漏下不止。少妊。

太乙歌云。兼水分三里利小便消腫脹。

通玄賦云。治臍腹痛。

橫骨。一名下極。

在大赫下一寸。育俞下五寸。去中行

足少陰

三十九

六十五

五分。陰上橫骨中。○按小腹下尖自橫骨上行不可驟用腹中分寸當以太陰之衝門起自橫骨兩端以至陽明之氣衝少陰之橫骨至中行之曲骨穴通計折量始得其準凡上至腹中皆當以此類推。○衝脉足少陰之會。○刺五分。灸三壯五壯。甲乙經曰刺一寸。

主治五淋小便不通陰器下縱引痛小腹滿目背赤痛五藏虛。

百證賦云兼育俞寫五淋火積。

席弘賦云兼大都治氣滯腰疼不能立。

大赫一名陰維。在氣穴下一寸去中行五分。○衝脉足少陰之會。○刺三分。灸五壯。千金云三十壯。甲乙經作刺一寸。

主治虛勞失精陰痿上縮莖中痛目赤痛女子赤帶。

氣穴一名胞門一名子戶。在四滿下一寸去中行五分。○衝脉足少陰之會。○刺三分。灸五壯。甲乙經作刺一寸。

主治奔豚痛引腰脊。瀉痢經不調。

四滿一名髓府在中注下一寸。去中行五分。○衝脉

足少陰之會。○刺三分。灸三壯。甲乙經云刺一寸。千金云灸百壯。

主治積聚疝瘕。腸癰切痛。石水奔豚臍下痛。女

人月經不調。惡血疔痛。并無子。可灸三十壯。

中注在育俞下一寸。去中行五分。○衝脉足少

陰之會。○刺一寸。灸五壯。一云刺五分。

主治小腹熱。大便堅燥。腰脊痛。目背痛。女子月

事不調。

育俞在商曲下一寸。當作直臍旁。去臍中五分。

○衝脉足少陰之會。○刺一寸。灸五壯。一云刺

五分。

主治腹痛寒疝。大便燥。目赤痛從內眦始。

百證賦云兼橫骨寫五淋之久積。

商曲在石關下一寸。去中行五分。○衝脉足少

陰之會。○刺一寸。灸五壯。一云刺五分。

主治腹中切痛。積聚不嗜食。目赤痛內眦始。

石關 在陰都下一寸。去中行五分。○衝脉足少陰之會。○刺一寸。灸三壯。一云刺五分。

主治噦噫嘔逆。脊強腹痛。氣淋小便不利。大便燥閉。目赤痛。婦人無子。或藏有惡血。上衝腹

痛不可忍。

神農經云。治積氣疼痛。可灸七壯。孕婦禁灸。

千金云。治噦噫嘔逆。灸百壯。

百證賦云。兼陰交無子可搜。

陰都一名食官 在通谷下一寸。夾中脘相去五分。○

衝脉足少陰之會。○刺三分。灸三壯。甲乙經曰

刺一寸。千金云。灸隨年壯。

主治心煩滿恍惚。氣逆腸鳴肺脹。氣搶嘔沫。大

便難。脇下熱痛。目痛。寒熱瘵瘡。婦人無子。藏

有惡血。腹絞痛。

通谷 在幽門下一寸。陷中。夾上脘相去五分。○

衝脉足少陰之會。○刺五分。灸五壯。

主治口喎暴瘡。積聚痞癖。胃滿食不化。膈結嘔

吐。目赤痛。不明清涕。項似拔不可回顧。

幽門一名上門

夾巨關兩旁各五分陷者中。○衝脉

足少陰之會。○刺五分灸五壯。

主治胃中引痛。心下煩悶。逆氣裏急。支滿不嗜

食。數欬。乾噦。嘔吐涎沫。健忘。洩痢膿血。少腹

脹滿。女子心痛逆氣。善吐食不下。

神農經云。治心下痞脹。飲食不化。積聚疼痛。可

灸十四壯。孕婦不可灸。

百證賦云。兼玉堂能開微煩。心嘔噦。

步廊 在神封下一寸六分陷中。去中行二寸。夾

中庭仰而取之。○刺三分灸五壯。

主治胃脇滿痛。鼻塞。少氣。欬逆不得息。嘔吐不

食。臂不得舉。

神封 在靈墟下一寸六分。去中行二寸。仰而取

之。○刺三分灸五壯。

主治胃脇滿痛。欬逆不得息。嘔吐不食。乳癰。洒

淅惡寒。

靈墟 在神藏下一寸六分。去中行二寸。陷中。仰

而取之。○刺三分灸五壯。

主治同神封。

神藏 在或中下一寸六分陷中。去中行二寸。仰而取之。○刺三分。灸五壯。

主治同上。

百證賦云。兼璇璣治胃滿項強已試。

或中 在俞府下一寸六分陷中。去中行二寸。仰而取之。○刺四分。灸五壯。

主治欬逆不得喘息。胃腸支滿。多唾嘔吐不食。神農經云。治氣喘痰壅。可灸十四壯。

一傳治欬嗽哮喘病唾血。

俞府 在巨骨下。夾璇璣旁二寸陷中。仰而取之。

○刺三分。灸五壯。

主治欬逆上氣嘔吐不食中痛。

一云熱嗽寫之。冷嗽補之。

玉龍賦云。兼乳根能治氣嗽痰哮喘。

正清氣三三氣...
 一三...
 主...
 ○...
 命...
 一...

手厥陰心包絡經穴

心包絡經穴歌

心包九穴天池近天泉曲澤郄門認間使內關

踰大陵勞官中衝中指盡

天池一名天會在乳後一寸腋下一寸着脇直腋

肋間氣府論註曰在乳後同身寸之二寸○手

厥陰足少陽之會○刺三分灸三壯

主治目眈眈不明頭痛胃脇煩滿欬逆臂腋腫

痛四支不舉上氣寒熱瘧熱病汗不出

經穴 手厥陰 四十五

千金云。治頸漏瘰癧。灸百壯。

百證賦云。兼委陽穴。腋腫鍼而速散。

天泉一名天濕。在曲腋。下去肩臂二寸。舉臂取之。○

刺六分。灸三壯。一日刺二分。

主治惡風寒。胃脇痛。支滿欬逆。膺背脚臂間痛。

曲澤。在肘內廉。橫文陷中。筋內側。動脈屈肘得

之。○手厥陰所入為合。○刺三分。留七呼。灸三

壯。

主治心痛善驚。身熱煩渴。臂肘搖動掣痛不可

伸。傷寒嘔吐氣逆。

百證賦云。兼少商。治血虛口滑。

郄門。在掌後去腕五寸。○手厥陰郄。○刺三分。

灸五壯。

主治嘔血衄血。心痛嘔噦驚恐。神氣不足。久痔。

間使。在掌後三寸。兩筋間陷中。○手厥陰所行

為經。○刺三分。留七呼。灸五壯。

主治傷寒結胸。心懸如饑。嘔沫少氣。中風氣塞。

昏危不語。卒狂。胃中澹澹。惡風寒。霍亂乾嘔。

腋腫肘攣卒心痛多驚咽中如鯁婦人月水
 不調小兒客忤久瘡可灸鬼邪隨年壯
 千金云乾嘔不止所食即吐不停灸三十壯若
 四支脉絕不至者灸之便通此法能起死人
 ○又治卒死灸百息○又十三鬼穴云此名
 鬼路鍼百邪癩狂當在第九次下鍼
 神農經云治脾寒寒熱往來渾身瘡疥灸七壯
 太乙歌云兼風池環跳治瘡疾○又兼氣海中
 極三里刺小腹便澀

玉龍賦云治瘰癧
 百證賦云兼天鼎治失音休遲
 靈光賦云兼水溝治邪癩
 捷徑云治熱病頻噦
 內關 在掌後去腕二寸兩筋間與外關相對○
 手厥陰絡別走手少陽○刺五分灸五壯
 主治中風失志實則心暴痛虛則心煩惕惕面
 熱目昏支滿肘攣久瘡不巳胃滿腸痛實則
 寫之生瘡灸之

神農經云。治心疼腹脹。腹內諸疾。可灸七壯。

玉龍賦云。合照海。能醫腹疾之塊。

席弘賦云。兼公孫治肚痛。

攔江賦云。治傷寒太陰經四日者。先用照海。公

孫後用內關施治。

百證賦云。兼建里掃盡胃中之苦悶。

標幽賦云。胃滿腹痛刺內關。

捷法云。治胃滿胃脘不快。傷寒中焦痞滿。兩脇

刺痛。嘔吐不已。脾胃氣虛。心腹脹滿。脇肋下

疼。心腹刺痛。痞塊食癥不散。人漸羸瘦。血塊

氣瘕。藏府虛寒。風壅氣滯。大腸虛冷。脫肛不

收。大便艱難。用力脫肛。藏毒腫痛。便血不止。

五痔五癩。口吐涎沫。心性呆癡。心驚發狂。悲

泣不已。不識親疎。健忘錯亂。言語不記。或歌

或笑。神思不安。中風不省人事。心虛膽寒。四

體戰掉。○已上諸證。先以內關主治。後隨證

加各穴治之。

大陵 在掌後骨下橫文中。兩筋間陷中。○手厥

陰所注為膺。即原也。○刺三分。留七呼。灸三壯。主治熱病汗不出。舌本痛。喘欬嘔血。心懸如饑。善笑不休。頭痛氣短。胃脇痛。驚恐悲泣。嘔逆。喉痺口乾。目赤。肘臂攣痛。小便如血。

神農經云。治胃中疼痛。胃前瘡疥。可灸三壯。

千金云。吐血嘔逆。灸五十壯。○又云。凡卒患腰

腫附骨癰疽。節腫遊風熱毒。此等疾。但初覺

有異。即急灸之。從手掌後第一橫文。後兩筋

間。灸五壯。立愈。患左灸右。患右灸左。當中者。

兩手俱灸。○又十三鬼穴云。此為鬼心。治百邪癲狂。在第四次下鍼。

玉龍賦云。兼勞官療心悶瘡瘻。○又云。合人中

頻寫。全去口氣。○又云。合外關支溝。治肚疼

秘結。

勞官

一名五里
一名掌中

在掌中央動脈。屈無名指取之。

○手厥陰所溜為榮。○刺二分。灸三壯。

主治中風。悲笑不休。熱病汗不出。脇痛不可轉側。吐衄噎逆。煩渴食不下。胃脇支滿。口中腥

氣黃疸手痺。大小便血熱痔。

千金云。心中懊懣痛。刺入五分補之。

玉龍賦云。兼大陵。療心悶瘡癢。

靈光賦云。治勞倦。

百證賦云。兼後谿。可治三消黃疸。

通玄賦云。能退胃翻心痛。

捷徑云。治憂噎。

一傳癩狂灸此效。

中衝 在手中指端。去爪甲如韭葉陷中。○手厥

陰所出為井。○刺一分。留三呼。灸一壯。

主治熱病汗不出。頭痛如破。身熱如火。心痛煩

滿舌強痛。中風不省人事。

神農經云。治小兒夜啼多哭。灸一壯。炷如小麥。

百證賦云。兼廉泉。堪攻舌下腫痛。

一云。主神氣不足。失志。

乾坤生意云。此為十井穴。凡初中風暴仆昏沉。

痰涎壅盛。不省人事。牙關緊閉。藥水不入。急

以三稜鍼刺少商。商陽。中衝。關衝。少衝。少澤。

手厥陰

手厥陰

使血氣流通乃起死回生急救之妙穴。

[Faded bleed-through text from the reverse side of the page]

手少陽三焦經穴

三焦經穴歌

手少陽三焦所從。二十三穴起關衝向液門中。
渚陽池歷外關支溝會宗。三陽絡入於四瀆注。
天井清冷淵中。消灤臑會肩髃同。天髀天膷經。
翳風瘰脉顱息角孫入耳門和髎絲竹空。
關衝在手名指外側端。去爪甲角如韭葉。○手
少陽所出為井。○刺一分留三呼。灸三壯。
主治頭痛口乾喉痺。霍亂胃中氣噎不食。肘臂

痛不能舉。目昏昏。○一云主三焦邪熱。口渴。唇焦。口氣宜寫此出血。

玉龍賦云。壅熱盛於三焦。關衝最宜。

百證賦云。兼啞門治舌緩不語。

捷徑云。治熱病煩心。滿悶汗不出。掌中大熱如

火。舌本痛。口乾消燥。久熱不去。

乾坤生意云。此為十井穴。凡初中風暴仆昏沉。

痰涎壅盛。不省人事。牙關緊閉。藥水不下。急

以三稜鍼刺少商。商陽。中衝。少衝。關衝。少澤。

使血氣流通。乃起死回生急救之妙穴。

液門 在手小指次指間陷者中。○手少陽所溜。

為榮。○刺二分。留二呼。灸三壯。

主治驚悸忘言。寒厥臂痛。不得上下。痰瘧寒熱。

頭痛。目眩赤澁。泣出。耳暴聾。咽外腫。牙齦痛。

若手臂紅腫痛楚。寫之出血為妙。

千金云。治耳聾不得眠。刺入三分補之。

玉龍賦云。兼中渚治手臂紅腫。

百證賦云。兼魚際能療喉痛。

中渚 在手名指本節後間陷中。把拳取之。○手

少陽所注為臑。○刺二分留三呼。灸三壯。

主治熱病汗不出。臂指痛。不得屈伸。頭痛目眩。

生翳不明。耳聾咽腫。久瘡。手臂紅腫。寫之出

血。灸五壯。

太乙歌云。刺久患腰疼背痛。

玉龍賦云。兼液門治手臂紅腫。

席弘賦云。治久患傷寒肩背痛。

通玄賦云。脊心後痛。鍼此立愈。

靈光賦云。五指不復取中渚。

陽池 一名別陽 在手表腕上陷者中。自本節後骨直

對腕中。○手少陽所過為原。○刺二分留六呼。

灸三壯。銅人經曰不可灸。

主治消渴口乾煩悶。寒熱瘡。或因折傷。手腕捉

物不得。臂不能舉。

千金云。消渴口乾。灸五十壯。

神農經云。治手腕疼無力。不能上舉至頭。可灸

七壯。

外關 在腕後二寸兩筋間陷中。○手少陽絡別

走心主。○刺三分留七呼。灸三壯。

主治耳聾渾焯無聞肘臂五指痛不能握若脇

肋痛者寫之。

神農經云治肘臂不得屈伸五指盡疼不能握

物可灸七壯。

玉龍賦云兼大陵支溝治肚痛秘結。

捷徑云治臂膊紅腫支節疼痛足內踝骨紅腫

痛手足指節痛不能屈伸五藏六府結熱吐

血妄行不已鼻衄不止吐血昏暈不省人事

虛損氣逆陽乘於陰則血熱妄行陰乘於陽

則血寒亦吐名心肺二經嘔血舌強難言及

生白胎重舌腫脹熱極口内生瘡舌吐不收

舌縮不能言唇吻破裂血出乾痛頭生瘰癧

結核遶頸連胷耳根頸項腫痛不消目生翳

膜隱澁難開風沿爛弦迎風流淚目風腫痛

努肉攀睛暴赤腫痛○已上諸證先以外關

主治後隨證分穴治之。

支溝一名飛虎

在腕後三寸兩骨間陷中。○手少陽

所行為經。○刺二分留七呼。灸七壯。

主治熱病汗不出。肩臂痠重。脇腋痛。四支不舉。

霍亂嘔吐。口噤暴瘖。鬼擊卒心痛。產後血暈。

不省人事。凡三焦相火熾盛。及大便不通。脇

肋疼痛者。俱宜為之。

千金云。治頸瀟馬力。灸百壯。

玉龍賦云。兼照海能通大便秘。○又云。合外

關大陵。治肚疼秘結。

會宗 在腕後三寸空中。一云空中一寸。○手少

陽郄。○刺三分。灸三壯。一曰禁刺。

主治五癩耳聾肌膚痛。

三陽絡一名通間

在臂上大交脉。支溝上一寸。○灸

五壯。禁刺。

主治暴瘖不能言。耳聾齒齟。嗜臥身不欲動。

四瀆 在肘前五寸外廉陷中。○刺六分留七呼。

灸三壯。一曰刺三分。

主治暴氣耳聾。下齒齟痛。

天井 在肘外。大骨尖後。肘上一寸。兩筋間陷中。屈肘得之。甄權云。在曲肘後一寸。又手按膝頭取之。○手少陽所入為合。○刺三分。留七呼。灸三壯。甲乙經云。刺一分。

主治欬嗽。上氣。胃痛。不得語。唾膿。不嗜食。寒熱。凄凄。不得臥。驚悸。悲傷。瘰癧。癩疾。五癩。風痺。頭頸。肩背。痛。耳聾。目銳。背痛。頰腫。肘臂。痛。不得捉物。及寫一切瘰癧。瘡腫。癰疹。

神農經云。治欬嗽。上氣。風痺。肘疼。可灸七壯。

清冷淵 在肘上二寸。伸肘舉臂取之。○刺三分。灸三壯。

主治諸痺痛。肩臂肘臑不能舉。

席弘賦云。五般肘痛。尋尺澤。冷淵。鍼後即收功。

消灤 在肩下臂外間。腋斜肘分下行。○刺五分。

灸五壯。一日刺一分。灸三壯。

主治風痺。頸項強急。腫痛。寒熱。頭痛。肩背急。

一傳海南治牙疼。灸此穴。

臑會 一名臑膠。在臂前廉。去肩端三寸宛宛中。○手

陽明少陽二絡之會。○刺五分。灸五壯。

主治肘臂氣腫。痠痛無力不能舉。項瘻氣瘤。寒

熱瘰癧。

肩髃 在肩端臑上陷中。斜舉臂取之。○刺七分。

灸三壯。

主治臂重肩痛不能舉。

天髎 在肩缺盆中。上髃骨際陷者中。此音一曰

直肩井後一寸。○手足少陽陽維三脉之會。○

刺八分。灸三壯。

主治肩臂痠痛。缺盆痛汗不出。臂中煩滿。頸項

急寒熱。

天牖 在頸大筋外。缺盆上。天容後。天柱前。完骨

下。髮際中。上夾耳後一寸。○刺一分。留七呼。不

宜補亦不宜灸。灸即令人面腫。資生經云灸一

壯。甲乙經云灸三壯。

主治暴聾不聰。氣目不明。夜夢顛倒。面無顏色。

頭風面腫項強。○一日若治面腫眼合。先取

譙譙。後鍼天牖風池。其病即瘥。若不先鍼譙

諱其病難愈。

翳風 在耳後尖角陷中。按之引耳中。○手足少

陽之會。○刺三分。灸七壯。

主治耳聾。口眼喎斜。口噤不開。脫頷腫頰。牙車

急痛。暴瘖不能言。○一云耳紅腫痛。寫之耳

虛鳴。補之。補多寫少。

百證賦云。兼聽會治耳聾氣閉。

瘵脉一名資脉 在耳本後雞足青絡脉中。○刺一分。

灸三壯。銅人云。刺出血如豆汁。不宜多出。一云

禁灸。

主治頭風耳鳴。小兒驚癇瘵瘵。嘔吐瀉痢無時。

驚恐目澁。眇膏。

顱息 在耳後間青絡脉中。○刺一分。灸七壯。甲

乙經曰。灸三壯。一曰禁刺。出血多則殺人。

主治耳鳴喘息。小兒嘔吐。瘵瘵驚恐發癇。身熱

頭痛。不得臥。聾耳腫流膿汗。

百證賦云。瘵病非顱息不愈。

角孫 在耳廓中間。上髮際下。開口有空。○手太

陽手足少陽三脉之會。甲乙經手太陽寒熱病篇曰足太陽有人頰徧齒者名曰角孫則足太陽脉亦會於此。○刺三分。灸三壯。

主治目生翳齒齲腫不能嚼唇吻燥頸項強。

一云堪治耳齒之病。

耳門 在耳前起肉當耳缺處陷中。○刺三分。留

三呼。灸三壯。一云禁灸。

主治耳聾耳膿汁耳生瘡齒齲唇吻強。

席弘賦云但患傷寒兩耳聾耳門聽會疾如風。

百證賦云兼絲竹空能住牙疼於頃刻。

天星秘訣云耳鳴腰痛先五會後此穴及三里

和膠 耳前兌髮下橫動脉。○手足少陽手太陽

三脉之會。○刺三分。灸三壯。一曰灸之目盲。

主治頭痛耳鳴牙車引急頸項腫口噤瘰癧。

絲竹空 一名目膠 在眉後陷中。○甲乙經曰足少陽

脉氣所發。○刺三分。留三呼。禁灸。灸之不幸令

入目小及盲。

主治頭痛目赤目眩視物眈眈拳毛倒睫風癩


戴眼發狂吐涎沫偏正頭風

神農經云治頭風宜出血

百證賦云兼耳門能治牙疼於頃刻

通玄賦云治偏頭痛難忍

一傳主眼赤痛鍼一分出血



類經圖翼七卷終



文化甲戌

